

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
JAVNA USTANOVA OSNOVNA ŠKOLA
"ALIJA NAMETAK"
SARAJEVO

Na osnovu člana 14. Instrukcije za donošenje pravilnika o kriterijima za sticanje i raspodjelu vlastitih prihoda budžetskih korisnika-predškolskih ustanova, osnovnih i srednjih škola i domova učenika br.11-01-14-32424/17 od 02.11.2017.godine, člana 7. Uredbe o utvrđivanju vlastitih prihoda, načina i rokova raspodjele („Službene novine Kantona Sarajevo“, br. 51/16), člana 100. Pravila JU OŠ „Alija Nametak“ Sarajevo, Mišljenja Ministarstva finansija Kantona Sarajevo, broj: 08-01-14-19238/18 od 18.4.2018.godine i Saglasnosti Ministarstva za obrazovanje, nauku i mlade Kantona Sarajevo, broj: _____, Školski odbor na II sjednici, održanoj dana 11.04.2018.godine, donosi

P R A V I L N I K
O KRITERIJIMA ZA STICANJE I RASPODJELU VLASTITIH PRIHODA
JU OS „ALIJA NAMETAK“ SARAJEVO

DIO PRVI – OSNOVNE ODREDBE

Član 1.

(Predmet Pravilnika)

Ovim Pravilnikom utvrđuju se vrste, osnov sticanja, visina naknade i raspodjela vlastitih prihoda JU OŠ „Alija Nametak“ Sarajevo (u daljem tekstu: škola).

Član 2.

(Definicija)

- 1) Pod vlastitim приходima podrazumijevaju se prihodi koje škola ostvari obavljanjem osnovne djelatnosti i ostalih poslova na tržištu.
- 2) Pod vlastitim приходima škole ne podrazumijevaju se prihodi koje škola ostvari obavljajući osnovnu djelatnost propisanu Zakonom o osnovnom odgoju i obrazovanju Kantona Sarajevo ili drugim propisima o osnivanju, za koju je propisima utvrđena visina naknade za usluge koje pružaju pravnim i fizičkim licima, kao ni prihodi ostvareni u internom poslovanju između škola kao javnih ustanova Kantona Sarajevo.

Član 3.

(Pripadnost prihoda)

Vlastiti prihodi su javni prihodi Budžeta Kantona Sarajevo (u daljem tekstu Budžet), a raspoređuju se u skladu sa Instrukcijom za donošenje pravilnika o kriterijima za sticanje i raspodjelu vlastitih prihoda budžetskih korisnika-predškolskih ustanova, osnovnih i srednjih škola i domova učenika br.11-01-14-32424/17 od 02.11.2017.godine.

Član 4.

(Način uplate)

- 1) Prihodi iz člana 2. ovog Pravilnika uplaćuju se na depozitni račun Budžeta Kantona Sarajevo (u daljem tekstu: depozitni račun), a mogu se naplaćivati i u gotovini.
- 2) Vlastite prihode ostvarene u gotovini škola je dužna uplatiti na depozitni račun i to najkasnije narednog dana od dana naplate istih, a naplaćena gotovina se ne može koristiti za izmirenje tekućih obaveza.
- 3) Uplata i evidentiranje vlastitih prihoda vrši se u skladu članom 4. Uredbe o utvrđivanju vlastitih prihoda, načina i rokova raspodjele („Službene novine Kantona Sarajevo“, br. 51/16).

DIO DRUGI - STICANJE VLASTITIH PRIHODA

Član 5.

(Osnove za sticanje vlastitih prihoda)

Pod vlastitim приходima u smislu ovog Pravilnika podrazumijevaju se prihodi koje škola ostvari po osnovu:

- a) Organizacije i realizacije pripremne i instruktivne nastave,
- b) Pružanja usluga učenicima za produženi boravak,
- c) Prodaje otpadnog materijala,
- d) Prodaje proizvoda i usluga koje izrađuju učenici u toku praktične nastave,
- e) Catering-a,
- f) Prodaja i isporuka ručka ili užine,
- g) Izdavanja prepisa/duplikata dokumenata,
- h) Participacije u troškovima školovanja (naknada za osiguranje učenika, nabavka zadaćnica, kopiranje, upotreba biblioteke, posjeta pozorištu, kinu i dr.),
- i) Reklamno-propagandnih usluga,
- j) Realizacije pedagoško-metodičke prakse studenata (hospitovanje),
- k) Iznajmljivanja opreme i prostora u zakup,
- l) Ustupanja tenderske dokumentacije u postupku javnih nabavki,
- m) Kopiranja i uvezivanja pisanog materijala,

Član 6.

(Naknada za realizaciju usluga)

Naknada za realizaciju usluga iz člana 5. ovog Pravilnika utvrđuje se kako slijedi:

- | | |
|---|--------|
| a) instruktivna nastava za grupu od 10 i više kandidata (po času) | 4 KM |
| b) instruktivna nastava za grupu do 10 kandidata (po času) | 8 KM |
| c) produženi boravak za grupe učenika (naknada po učeniku) : | |
| - od 16 do 21 učenika | 200 KM |
| - od 22 do 27 učenika | 185 KM |
| - od 28 do 32 učenika | 170 KM |
| d) izdavanja prepisa/duplikata dokumenata: | |
| - izdavanje prepisa/duplikata svjedodžbe/diplome | 20 KM |
| - izdavanje izvoda iz nastavnog plana i programa | 60 KM |
| e) Izdavanje opreme i prostora u zakup, izdavanje prostora u zakup, kao i visinu naknade za zakupninu utvrđuje Školski odbor, u skladu sa zakonom i podzakonskim aktima kojima se reguliše izdavanje poslovnih zgrada i prostorija. | |

Član 7.

(Visina naknada za posebne i specijalizirane programe)

Visinu naknade za realizaciju posebnih i specijaliziranih programa, koje realizuje škola, utvrđuje Školski odbor, uz prethodnu saglasnost ministra za obrazovanje, nauku i mlade Kantona Sarajevo.

Član 8.

(Visina naknada za realizaciju ostalih usluga)

Visinu naknada za usluge koje realizuje škola, a koje nisu obuhvaćene članom 6. i 7. ovog Pravilnika utvrđuje Školski odbor.

DIO TREĆI - RASPODJELA VLASTITIH PRIHODA

Član 9.

(Način i rokovi raspodjele)

- 1) Ostvareni vlastiti prihodi u cjelosti se raspoređuju školi.

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
JAVNA USTANOVA OSNOVNA ŠKOLA
"ALIJA NAMETAK"
S A R A J E V O

- 2) Škola je dužna, na osnovu planiranih vlastitih prihoda, planirati i rashode koje će pokriti iz tih prihoda.
- 3) Prihodi iz člana 5. stav (1) tačla a) ovog Pravilnika raspoređuju se na sljedeći način:
 - a) 15 KM naknade za jedan čas nastavniku koji izvodi pripremnu i instruktivnu nastavu,
 - b) Ostatak prihoda dijeli se na sljedeći način:
 - 1) 20 % za naknade ostalim uposlenicima izvan nastave koji sudjeluju u realizaciji poslova,
 - 2) 40 % za materijalne troškove, tekuće održavanje i nabavku opreme,
 - 3) 40% za stručno usavršavanje, sportske i kulturne aktivnosti, takmičenja, nagrade učenicima i ostale namjene,
- 4) Prihodi iz člana 5. stav (1), tačka b) ovog Pravilnika raspoređuju se na sljedeći način:
 - 4) 50% za materijalne troškove, tekuće održavanje i nabavku opreme,
 - 5) 40% za naknadu radnicima koji su sudjelovali u realizaciji poslova,
 - 6) 10% za stručno usavršavanje, sportske i kulturne aktivnosti, dažke ekskurzije, takmičenja, nagrade učenicima i ostale namjene.
- 5) Prihodi iz člana 5. stav (1) tačka c), d), e) i f) ovog Pravilnika raspoređuju se na sljedeći način:
 - 1) 20% za materijalne troškove, tekuće održavanje i nabavku opreme,
 - 2) 80% za stručno usavršavanje, sportske i kulturne aktivnosti, takmičenja, nagrade učenicima, ekskurzije i ostale namjene,
- 6) Prihodi iz člana 5. stav (1) tačka g) ovog Pravilnika raspoređuju se na sljedeći način:
 - 1) 40% za materijalne troškove, tekuće održavanje i nabavku opreme,
 - 2) 30% za naknadu radnicima koji su sudjelovali u realizaciji poslova,
 - 3) 30% za stručno usavršavanje, sportske i kulturne aktivnosti, takmičenja, nagrade učenicima i ostale namjene.
- 7) Prihodi iz člana 5. stav (1) tačka h) ovog Pravilnika raspoređuju se u skladu sa Instrukcijom kojom se definiše visina participacije u troškovima školovanja za učenike srednjih škola kao javnih ustanova na području Kantona Sarajevo, koju donosi ministar za obrazovanje, nauku i mlade Kantona Sarajevo.
- 8) Prihodi iz člana 5. stav (1), tačka i), j), k), l) i m) ovog Pravilnika raspoređuju se na sljedeći način:
 - 1) 70% za materijalne troškove, tekuće održavanje i nabavku opreme,
 - 2) 30% za stručno usavršavanje, sportske i kulturne aktivnosti, takmičenja, nagrade učenicima, ekskurzije i ostale namjene.

Član 10.

(Korištenje vlastitih prihoda za plaće)

- (1) Škola vlastite prihode koristi za plaće i naknade radnicima u slučaju da se stiču po osnovu tačkaka a), b) i g), iz člana 5. ovog Pravilnika.
- (2) U drugim slučajevima škola prihode za plaće koristi samo u izuzetnim slučajevima uz saglasnost Ministarstva za obrazovanje, nauku i mlade.

DIO ČETVRTI – PRAĆENJE NAPLATE I RASPOREĐIVANJE VLASTITIH PRIHODA

Član 11.

(Praćenje naplate i raspoređivanje vlastitih prihoda)

- 1) Škola kao budžetski korisnik je dužna da redovno prati, putem izvještaja koje dobija od Ministarstva finansija, dospelost i naplatu vlastitih prihoda;
- 2) Škola kao budžetski korisnik je odgovorna za potpuno i pravovremeno uplaćivanje vlastitih prihoda na depozitni račun;
- 3) Škola kao budžetski korisnik je dužna da ostvarene i naplaćene vlastite prihode rasporedi na rashode u finansijskim mjesečnim planovima izvršavanja Budžeta;

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
JAVNA USTANOVA OSNOVNA ŠKOLA
"ALIJA NAMETAK"
SARAJEVO

DIO PETI – KONTROLA UTROŠKA VLASTITIH PRIHODA

Član 12.

(Izveštaj o utrošku)

Škola kao budžetski korisnik, najmanje jedanput u šest mjeseci Ministarstvu za obrazovanje, nauku i mlade dostavlja izvještaj o sticanju i utrošku vlastitih prihoda.

DIO ŠESTI – ZAVRŠNE ODREDBE

Član 13.

(Izmjene i dopune Pravilnika)

Izmjene i dopune ovog Pravilnika vrše se na način i po postupku predviđenom za njegovo donošenje.

Član 14.

(Stupanje na snagu Pravilnika)

Ovaj Pravilnik stupa na snagu danom davanja saglasnosti Ministarstva za obrazovanje, nauku i mlade Kantona Sarajevo, nakon pribavljenog mišljenja Ministarstva finansija Kantona Sarajevo.

Broj: 1423/18

Datum: 11.4 2018. godine

V.D. PREDSIJEDNICA Š-